



Javno preduzeće

ELEKTROPRIVREDA BOSNE I HERCEGOVINE

JAVNO PREDUZEĆE

ELEKTROPRIVREDA BOSNE I HERCEGOVINE d.d. - Sarajevo

PRIMLJENO	09-04-2024
BROJ PROTOKOLA	5589-1/24
ORGANIZACIONA JEDINICA	02-45-2

Sarajevo,
Broj: 02-

08-04-2024

11943-1/24

Na osnovu člana 69. i 70. Zakona o javnim nabavkama BiH ("Službeni glasnik BiH" broj 39/14), člana 95. Statuta JP Elektroprivreda BiH d.d.-Sarajevo (prečišćeni tekst) broj: NO-2190/21-41./2. od 25.01.2021. godine, te člana 5. stav (7) Odluke o utvrđivanju i rasporedu ovlaštenja Generalnog direktora, izvršnih direktora, pomoćnika generalnog direktora, Sekretara Društva i direktora podružnica Društva broj: U-01-40623-1/23-18/34 od 14.11.2023. godine, v.d. Izvršnog direktora za proizvodnju, d o n o s i

ODLUKU **o poništenju postupka nabavke**

Član 1.

Poništava se otvoreni postupak javne nabavke u predmetu Kapitalni remont generatora Bloka 6 za potrebe Podružnice Termoelektrana "Kakanj" Kakanj tender broj: 2000039718, obavještenje broj: 1424-1-2-230-3-660/23, ispravka obavještenja: 1424-1-2-230-8-30/24, objavljena u Službenom Glasniku BiH broj 1 od 05.01.2024.godine i 14 od 23.02.2024.godine i na Portalu www.ejn.gov.ba dana 28.12.2023.godine i 15.02.2024.godine iz razloga što nijedna od primljenih ponuda nije prihvatljiva.

Član 2.

Ova Odluka će se objaviti na internet stranici JP EP BiH, u skladu sa članom 70. stav (6) Zakona o javnim nabavkama BiH.

Član 3.

Zadužuje se Služba za komercijalne poslove Podružnice Termoelektrana „Kakanj“ Kakanj da u roku od 3 (tri) dana, a najkasnije u roku od 7 (sedam) dana od dana donošenja ove Odluke istu dostavi ponuđačima i time ih obavijesti o rezultatima postupka javne nabavke.

O b r a z l o ž e n j e

Po otvorenom postupku javne nabavke u predmetu Kapitalni remont generatora Bloka 6 za potrebe Podružnice Termoelektrana "Kakanj" Kakanj tender broj: 2000039718, obavještenje broj: 1424-1-2-230-3-660/23, ispravka obavještenja: 1424-1-2-230-8-30/24, objavljena u Službenom Glasniku BiH broj 1 od 05.01.2024.godine i 14 od 23.02.2024.godine i na Portalu www.ejn.gov.ba dana 28.12.2023.godine i 15.02.2024.godine, ponude su dostavili sljedeći ponuđači:

- EthosEnergy Poland S.A. Lubliniec Poljska
- Konzorcij: MATO EL-D d.o.o. Ivanić-Grad, Hrvatska-lider i ATB SEVER d.o.o. Subotica-član

Prema Zapisniku o pregledu i ocjeni ponuda od dana 26.03.2024. godine, Komisija za javnu nabavku je izvršila otvaranje, pregled i ocjenu primljenih ponuda.

Na osnovu analize ponuda vezano uz ispunjenje zahtjeva u pogledu opisa kvalificiranosti ponuđača i rezultata kvalificiranosti utvrđeno je sljedeće:

- Ponuđač EthosEnergy Poland S.A. Lubliniec Poljska je na str. 15 svoje ponude GO/PP/2024/029 dostavio spisak uredno izvršenih ugovora, sa navodima jednog ugovora, a na str. 16-18 ponude je dostavio potvrdu o uredno izvršenom ugovoru. Potvrda o uredno izvršenom ugovoru je izdata od strane njegovog konzorcijskog partnera ZRE Katowice S.A. u realizaciji ugovora "Remont turboagregata bloka 5 u Termoelektrani Tuzla". Budući da ponuđač EthosEnergy Poland S.A. Lubliniec Poljska i njegov konzorcijski partner ZRE Katowice S.A. predstavljaju jednu te istu ugovornu stranu u realizaciji ugovora "Remont turboagregata bloka 5 u Termoelektrani Tuzla", za koji je dostavljena potvrda o dobrom izvršenju ugovora (druga ugovorna strana je JP Elektroprivreda BiH), to je dostavljena potvrda o uredno izvršenom ugovoru formalno-pravno neprihvatljiva. U skladu sa navedenim ponuda ponuđača EthosEnergy Poland S.A. Lubliniec Poljska nije zadovoljila kvalifikacioni zahtjev 6.5 a) tenderske dokumentacije, te se u skladu sa tačkom 5.2 tenderske dokumentacije odbacuje kao neprihvatljiva.

- Ponuđač Konzorcij: MATO EL-D d.o.o. Ivanić-Grad, Hrvatska-lider i ATB SEVER d.o.o. Subotica-član je na str. 44/103 svoje ponude 0080/24 dostavio spisak uredno izvršenih ugovora, sa navodima jednog ugovora, a na str. 45/103 ponude je dostavio potvrdu o uredno izvršenom ugovoru. Potvrda o uredno izvršenom ugovoru glasi na grupu ponuđača REPRO-OPREMA d.o.o. Beograd, ATB Sever d.o.o. Subotica, Elektrotehnički Institut Nikola Tesla a.d. Beograd i North Control d.o.o. Subotica. U postupku 2000039718 - Kapitalni remont generatora Bloka 6 za potrebe Podružnice Termoelektrana "Kakanj" Kakanj, ATB Sever d.o.o. Subotica nastupa kao član konzorcija MATO EL-D d.o.o. Ivanić-Grad, Hrvatska-lider i ATB SEVER d.o.o. Subotica-član, bez ostalih članova navedenih u dostavljenoj potvrdi. Budući da u dostavljenoj potvrdi o uredno izvršenom ugovoru nije naveden opis poslova za svakog od članova grupe ponuđača, te da ostali članovi iz grupe ponuđača navedene u potvrdi o uredno izvršenom ugovoru ne učestvuju u postupku 2000039718- Kapitalni remont generatora Bloka 6 za potrebe Podružnice Termoelektrana "Kakanj" Kakanj, to se potvrda izdata na grupu ponuđača REPRO-OPREMA d.o.o. Beograd, ATB Sever d.o.o. Subotica, Elektrotehnički Institut Nikola Tesla a.d. Beograd i North Control d.o.o. Subotica, ne može uzeti kao dokaz ispunjenosti kvalifikacionih uslova za samo jednog od članova grupe ponuđača u ovom postupku (ATB SEVER d.o.o. Subotica).

U skladu sa navedenim ponuda ponuđača Konzorcij: MATO EL-D d.o.o. Ivanić-Grad, Hrvatska-lider i ATB SEVER d.o.o. Subotica-član nije zadovoljila kvalifikacioni zahtjev 6.5 a) tenderske dokumentacije, te se u skladu sa tačkom 5.2 tenderske dokumentacije odbacuje kao neprihvatljiva.

Komisija za javnu nabavku je predložila da se izvrši poništenje po predmetnom postupku nabavke u skladu sa članom 69. stav (2) tačka d) Zakona o javnim nabavkama BiH iz razloga što nijedna od primljenih ponuda nije prihvatljiva.

Na osnovu gore navedenog, to je i donesena Odluka kao u dispozitivu.

Pravna pouka:

Protiv ove Odluke može se podnijeti žalba ugovornom organu JP Elektroprivreda BiH d.d. Sarajevo, Podružnica Termoelektrana "Kakanj" Kakanj u roku od 10 (deset) dana od dana prijema ove Odluke. Žalba se podnosi u najmanje 3 (tri) primjerka.



v.d. Izvršnog direktora za proizvodnju

Fahudin Tanović

Dostaviti:

- Ponuđačima
- Službi za komercijalne poslove
- a/a.